

WEB

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK**



**BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR**

Tel: 035/668 650

Fax: 035/668 672

Broj: 02-45-2283/21

Čelić, 23.12.2021. godine

A. Izetbegovića 60-2. 75246 Čelić

E-mail: info@opcinačelic.ba

Na osnovu člana 69. stav (2) tačka e) Zakona o javnim nabavkama ("Službeni glasnik Bosne i Hercegovine", broj: 39/14), člana 39. Statuta Općine Čelić („Službeni glasnik Općine Čelić“ broj: 3/2017), na Preporuku Komisije za javnu nabavku broj: 02-45-2283/21 od dana 23.12.2021. godine, u postupku Konkurentskog zahtjeva za dostavu ponuda za nabavku Usluge prevoza učenika sa područja općine Čelić i Koraja, Općinski načelnik d o n o s i:

ODLUKU o poništenju postupka javne nabavke

Član 1.

Prihvata se Preporuka Komisije za javnu nabavku broj: 02-45-2283/21 od dana 23.12.2021. godine i poništava postupak javne nabavke Konkurentski zahtjev za dostavu ponuda za "Nabavku Usluge prevoza učenika sa područja općine Čelić i Koraja" koji je pokrenut Odlukom o pokretanju postupka javne nabavke broj: 02-45-2283/21 od 30.08.2021.godine, odnosno odlukom o izmjeni odluke o pokretanju postupka javne nabavke broj: 02-45-2283/21 od 28.10.2021.godine, broj Obavještenja o nabavci: 306-7-2-79-3-22/21 od 09.09.2021. godine, odnosno Ispravka obavještenja o nabavci broj 306-7-2-79-8-30/21 od 29.10.2021.godine.

Član 2.

Ova Odluka će se objaviti na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđačima koji su učestvovali u predmetnom postupku javne nabavke.

Član 3.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-45-2283/21 od 30.08.2021.godine, odnosno odlukom o izmjeni odluke o pokretanju postupka javne nabavke broj: 02-45-2283/21 od 28.10.2021.godine. Javna nabavka Usluge prevoza učenika sa područja općine Čelić i Koraja je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosila je 26.000,00 KM.

Obavještenje o nabavci broj: 306-7-2-79-3-22/21 objavljeno je na Portalu javnih nabavki dana 09.09.2021. godine, odnosno Ispravka obavještenja o nabavci broj 306-7-2-79-8-30/21 od 29.10.2021.godine.

Poziv za preuzimanje tenderske dokumentacije u sistemu „E nabavke“ broj: 02-45-2283/21 od 09.09.2021. godine putem pošte prosljeđen je sljedećim ponuđačima:

- “Ljaljić Turs” d.o.o. Čelić, Ekrema Agića bb, 75246 Čelić
- “Malikić Turs” Humci, Humci bb, 75246 Čelić

Komisija za javnu nabavku imenovana Rješenjem broj: 02-45-2283/21 od 30.08.2021. godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-2283/21 od dana 12.11.2021. godine, Preporuku o poništenju postupka javne nabavke broj: 02-45-2283/21 od dana 23.12.2021. godine i Izvještaj o radu komisije broj: 02-45-2283/21 od dana 23.12.2021. godine.

U postupku po Izvještaju o radu utvrđeno je da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku nabavke primljene 2 (dvije) ponude i to ponuđača “Adamčević” d.o.o. i d.o.o. “Ljaljić turs”,
- da su blagovremeno primljene 2 (dvije) ponude,
- da nije bilo neblagovremeno primljenih ponuda,
- da primljena ponuda d.o.o.“Ljaljić turs” ispunjava zahtjeve iz Tenderske dokumentacije, te je ocijenjena kao kvalifikovana i prihvatljiva, ali je cijena iste znatno veća od osiguranih sredstava za predmetnu nabavku,
- da primljena ponuda “Adamčević” d.o.o. nije potpuna, te je ocijenjena kao neprihvatljiva i ista je odbačena.

Pregledom i ocjenom ponuda utvrđeno je da je cijena ponude ponuđača “Adamčević” d.o.o. neprirodno niska. Ugovorni organ je na osnovu člana 66.stav 1) Zakona o javnim nabavkama (“Službeni glasnik BiH”, broj: 39/14) (u daljem tekstu: Zakon) kojim je propisano da ukoliko ugovorni organ ocijeni da je ponuđena cijena neprirodno niska, pismeno će od ponuđača zahtijevati da obrazloži ponuđenu cijenu. Ako ponuđač ugovornom organu ne ponudi osnovano obrazloženje, koje može između ostalog sadržavati i poređenje sa cijenama na tržištu, ugovorni organ će odbaciti ponudu.

Članom 17. stav (7) Uputstva za pripremu modela tenderske dokumentacije i ponuda propisani su uslovi kada je ugovorni organ obavezan da od ponuđača traži objašnjenje cijene ponude koju smatra neprirodno niskom, i to kada je: a) cijena ponude za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, ili b) cijena ponude za više od 20% niža od cijene drugorangirane prihvatljive ponude.

Provjerom od strane ugovornog organa, utvrđeno je da se radi o neprirodno niskoj cijeni u smislu prethodno navedenog člana, te je cijena ponude prvorangiranog ponuđača za više od 20% niža od cijene drugorangirane prihvatljive ponude, odnosno 33,43% niža, te na osnovu navedenog ugovorni organ je tražio od ponuđača da u roku od 3 dana od dana zaprimanja zahtjeva obrazloži istu i to tako što će dostaviti detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene.

Obzirom da ponuđač u ostavljenom roku nije dostavio traženo objašnjenje neprirodno niske cijene, Komisija je jednoglasno ponudu ponuđača "Adamčević" d.o.o. ocijenjenila kao neprihvatljivu i u skladu članom 66. stav (1) Zakona, ugovorni organ istu je odbacio.

S tim u vezi, u predmetnom postupku nabavke cijena jedine prihvatljive ponude je znatno veća od osiguranih sredstava za nabavku, komisija se dopisom broj: 02-45-2283/21 obratila ugovornom organu zahtijevajući očitovanje po ovom pitanju, u smislu da li postoji mogućnost da se u Budžetu općine raspodijele dodatna sredstva za sufinansiranje konkretnog Projekta ili da se ista obezbijede iz drugih izvora sredstava. Komisija je nastavila sa radom nakon dobijene povratne informacije od strane ugovornog organa da općina nema sredstva za sufinansiranje konkretnog Projekta.

Procijenjena vrijednost predmetne javne nabavke iznosi 26.000,00 KM bez PDV-a, u skladu sa Odlukom o izmjeni odluke o pokretanju postupka javne nabavke broj: 02-45-2283/21 od 28.10.2021.godine. Cijena jedine prihvatljive ponude ponuđača „Ljaljić Turs“ d.o.o Čelić je 33.800,00 KM bez PDV-a, odnosno 39.546,00 KM sa PDV-om, što predstavlja znatno veću vrijednost od osiguranih sredstava za predmetnu nabavku.

S obzirom na sve naprijed navedeno, stekli su se uslovi za poništenje postupka javne nabavke, u skladu sa članom 69. stav (2) tačka e) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku predmetne nabavke ocijenjeno je da je Komisija u svemu pravilno postupila.

Iz navedenih razloga, primjenom člana 69. stav (2) tačka e) Zakona o javnim nabavkama, odlučeno je kao u dispozitivu ove Odluke.

Uputstvo o pravnom lijeku: Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima
2. Komisiji za nabavke
3. Službi za opću upravu, društvene djelatnosti i boračka pitanja
4. Za općinsku web stranicu
5. Evidenciji
6. Arhivi